

Ohcejohkii Deanuleahkái Suoma guđát eanadatdikšunguovlu – vuosttas sámiid ruovttuguvlui

Birasministeriija sihke Lappi ealáhus-, johtalus- ja birasguovddáš dieđihit

Birasministeriija lea vuodđudan eanadatdikšunguovllu Ohcejohkii Deanuleahkái. Deanuleagi eanadatdikšunguovllu mihttomearrin lea guovllu luonddu- ja kultureanadaga čábbodaga, historjjálaš iešvuodaid ja daidda laktásan árvvuid seailluheapmi ja dikšun. Eanadatdikšunguovlu vuodđuduvvui luonddusuodjalanlága vuodul.

Álgaga eanadatdikšunguovllu vuodđudeami dagai Gáregasnjárgga gilisearvi rs. Vuodđudeapmi lea válmmaštallojuvvon Lappi ealáhus-, johtalus- ja birasguovddáša jođihan fidnus lávga ovttasbarggus báikkálaš ássiiguin ja sierra čanusjoavkkuiguin. Ohcejoga gielda lea dorjon fidnu.

”Eandalii mearkašahtti lea, ahte Deanuleahki lea riikamet vuosttas sámiid ruovttuguvlui vuodđuduvvon eanadatdikšunguovlu. Birasministeriija giitá lieggasit guovllu válmmaštallamii oassálastán beliid ja ássiid mearrediđolaš doaimmas olles Eurohpá mihttolávas áidnalunddot eanadagaid gáhttemis. Deanuleagi eanadatdikšunguovlu nanne riikamet eanadatdikšunguovlluid fierpmádaga”, dadjá biras- ja dálkkádatministtar **Emma Kari**.

Mihttomearrin ovddidit luonddu- ja eanadatárvvuid

Deanuleagi eanadatdikšunguovllu mihttomearrin lea movttiidahttit eanaeaggáid ja guovllu fitnodatdoalliid mearrediđolaš kultureanadagaid dikšumii. Guovllu vuodđudanmearrádussii gullet ávžžuhusat eanadatdikšuma geavatraš ollašuttima várás. Mearrádusa doarjjan lea guovllu eanadatdikšun- ja geavahanplána, mas čilgejuvvojit guovllu árvvut ja eanadatdikšuma ollašuttinvuogit.

Eanadatguovlun doallá sisttis sisttisdoallá Deanu johkaleagi giliid ja eanadagaid sulaid 40 mátkkis Biesjogas Nuvvosii. Oarjin dat rádjašuvvá johkarokki mielde johtán Norgga riikarádjái ja nuortin Báišduoddara meahcceguovllu duottarbadjosiidda. Viidodaga beales guovlu lea 6208 hektára. Das badjel bealli leat priváhta eatnamat, mat gullet 638 eanaoamasteaddjái. Stáhta eana lea 2340 há.

Deanuleahki lea Suoma guhkimus leahkehápmašupmi, báikkuid juobe 200-300 mehtera čienju. Fiinna rávnnji ja dan birastan duottarčilggiid eanadat lea earenoamáš fiinna. Johkaleagi eallinfámolaš kultureanadaga vuodđun lea boares ja ođđa ássan ja dasa gullelaš ráhkadusmáddodat, bealddut, giectit, guolástanguovllut ja turismafittnodagat. Ássanavádaga ravddas leat ceakko lagešvielttit ja muorahis ja juovvá, luonddudili alášguovllut.

Deatnu golgá friddja rádjajohkan ja dat lea fállán guovllu ássiide birrajagi biebmui ja buriid johtinoktavuođaid. Árbevirolaš ealáhusaid vuodđun leamašan guollebivdu, boazodoallu, smávvgussadoallu ja meahccebivdu. Gilieanadahkii váikkuhan smávvgussadoalu vuodđun lei álggos luondduniittuid ávkkástallan. Albmaláhkái eanadoallu bođii guvlui ođđaássama mielde 1700-logu rájes. Otnábeaivve boazodoallu ja bealdduid gilvin fuođđariin lea kultureanadaga seailluheaddjin dehálaš rollas. Luossabivdu lea dehálaš oassi báikkálaškultuvrras. Guvlui lea šaddan iežas lágan johkasápmelaš kultuvra ja dasa gullelaš ráhkadusmáddodat. Guovllu boarráseamos ráhkadusat leat 1800-logus.

Árabut leat birasministeriija mearrádusain vuodđuduvvon vihtta riikkaviidosaš eanadatdikšunguovllu: Raasepori Skärlandetii, Kauhajoki Hyypänjokilaaksoi, Pelkosenniemi Kairala ja Luiru giliide, Simoi ja Sotkamo Naapurinvaarai. Lassin EBI-guovddážiid mearrádusain leat vuodđuduvvon guokte eanagottálaš eanadatdikšunguovllu: Salla Saijai ja Suomussalmi vienalašgiliide.

- [Eanadatdikšunguovllut](#)
- [Čuovgagovat media atnui Deanuleagi eanadatdikšunguovllus](#)

Lassedieđut:

Birasráđđi Tapio Heikkilä, birasministeriija, t. 0295 250 166, ovdanamma.sohkanamma@ym.fi

Alladárkkisteaddji Marjut Kokko, Lappi EBI-guovddáš, t. +358 295 037 380, ovdanamma.sohkanamma@ely-keskus.fi

Gielddahoavda Taina Pieski, Ohcejohka, t. +358 50 535 1574, taina.pieski@utsjoki.fi